



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enarrationes Novae D. Martini Lutheri in Ionam
Prophetam**

Jonas, Justus

Haganoæ

Ad extrema montium descendi, terræ uectes &c.

urn:nbn:de:hbz:466:1-36521

I N A I O N A M

possem, undecimq; aquis tanquam medio mari caput, & alga & arundine tectus. In littore enim mari, in ripis etiam fluminum & lacuum, alga, iunc, & arundines solent succrescere. Qui ergo in mari submersus periret, iacet sub alga & iunc tectus, hoc est, sub aquis in quibus crescit iuncus & arundo, & quicquid in mari & ad mare est, illum sic submersum sub se tegit, ut arundine, iuncis, imo ipso littore tectus dici possit, ut statim sequitur.

Ad extrema montium descendendi, terrae uectes &c.

Nam omnia maria, omnes fluuij & torrentes, eunt in ualibus inter montes, nam in planicie consistere non possunt. Montium igitur fundamenta & radices ipsum profundum & uadum profundissimum sunt in mari, ubi radices montium coniunguntur & in profundo coherent. Hæc autem omnia pathetici loquitur Ionas, pauore & affectu iam submagentis, & iam aquis obruti, & tamen sursum de loco cogitantis, aut affectibus eius qui submergetur apud se expendit. Nam ille si sursum cogitat, uidet aquarum diluicio coopertum, atq; utrinque uicos & terram. Hic igitur cum descendit in profundum, uidetur sibi inter duos montes ad fundum usq; descendere. Ibi terra eum quasi montibus, quasi ca-

theris

thenis conclusit, id est, ipse non aliter cogitat, quam
ibi sibi perpetuo manendum esse, & nunquam se esse
euasurum. Nam quemadmodum is qui in turri est ca-
ptiuus, cogitur in carcere manere, quia ianua & fe-
nestræ clausæ sunt; ita is cogitur manere in mari,
qui sic descendit in profundū, ibi terra, id est, mon-
tes inter quos mare transit cum conclusit, & mari
& undis sic clausit, ut euadere non possit. Hic ite-
rum uides cuiusmodi cogitationibus conflictatus fit
Ionas in uentre ceti, cibi & potus facile est oblitus.
Tantū in meritis certaminibus & uario agone mor-
tis adeo est uersatus, ut de uita prorsus desperarit.
Hic adhuc nullam audis inuocationem Dei.

Sed tu uitam meam a perditio-
ne liberasti, Domine deus meus.

Hic nunc recreatur afflictus Ionas, & aliæ ueni-
unt ei cogitationes. Hic hactenus tot arietibus op-
pugnata, ac penè expugnata fides Ione, rursus se
erigit & audet sperare uictoriam. Hic nonnihil di-
spellitur tenebræ tentationis, & affulget aliquid
lucis, quasi dicat Ionas, Eo ipso momento quo uide-
batur mihi in profundo absorptus, & iam omnia
desperata erant, neq; ulla usquam spes apparebat
uite aut salutis, ibi tu Deus meus mirabili potentia
tua, iuxta misericordiae tuae amplitudinem eripui-

H